

ՀԱՂՈՐԴՈՒՄՆԵՐ ԵՎ ՀՐԱՊԱՐԱԿՈՒՄՆԵՐ

Ռ. Փ. Հովհաննիսյան

ՆՈՐ ՆՅՈՒԹԵՐ 19-ՐԴ ԴԱՐԻ 80-ԱԿԱՆ ԹՎԱԿԱՆՆԵՐԻ
ԱՐԵՎԱՏԱՅԱՅ ԱԶԳԱՅԻՆ-ԱԶԱՏԱԳՐԱԿԱՆ ՇԱՐԺՈՒԱՆԵՐԻ ԵՎ ԿԱՐԻՆԻ
«ՊԱՇՏՊԱՆ ՀԱՅՐԵՆՅԱՑ» ԿԱԶՄԱԿԵՐՊՈՒԹՅԱՆ ՄԱՍԻՆ

19-րդ դարի արևմտահայ ազգային-ազատագրական շարժումների պատմության մեջ իր առանձնահատուկ տեղն ունի Կարինի «Պաշտպան Հայրենյաց» ազատագրական-հեղափոխական դադունի կազմակերպությունը, որի ղործունեությունը դեռևս քիչ է ուսումնասիրված և առավել՝ քիչ լուսաբանված արևմտահայ ազատագրական շարժումների մեջ նրա դերի ղնահատման տեսակետից¹:

«Պաշտպան Հայրենյաց»-ի ղործունեության, որպես 19-րդ դ. 80-ական թվականներին արևմտահայ ժողովրդի առաջին կազմակերպված բմբոստության, ղնահատման խնդրում կարևոր նշանակություն ունի անշուշտ այն իրողությունը, որ նրա ղգեկոչման ու հետագա պայմարի ղրական ու բացասական բոլոր կողմերը հիմնականում բնորոշ են 19-րդ դարի 60—80-ական թվականներին հայ ժողովրդի ազգային վերածնունդն ազդարարող ազատագրական շարժումներին բնղհանրապես:

«Պաշտպան Հայրենյաց» կազմակերպության վերաբերյալ ուսումնասիրություններ կատարելիս մեզ հաջողվեց ՀՍՍՌ ԳԱ Գրականության և արվեստի թանղարանի և Ռուսաստանի արտաքին քաղաքականության արխիվներում (ԱՅՍՐ) ծանոթանալ կազմակերպության ղործունեության առանձին մուլի կողմերը լուսաբանող մի շարք նոր փաստաթղթերի: Բհայտ բերվեցին նաև 19-րդ դարի 80-ական թվականներին արևմտահայ ազգային-ազատագրական շարժումներին նվիրված այլ վավերաղրեր (այգ վավերաղրերը մեր կողմից կհրապարակվին այլ կապակցությամբ):

Դրանց մեջ խիստ արժեքավոր են ՀՍՍՌ ԳԱ Գրականության և արվեստի թանղարանի արխիվում (Թ. Աղատուանի ֆոնղ) պահպանված, «Պաշտպան Հայրենյաց»-ի ղործունեության շրջանում Կարնո թեմի առաջնորղ Մ. Օրմանյանի նամակները, որոնք Կարինում տեղի ունեցած ձերբակալությունների մասին մանրամասն հաղորղումներ են՝ ողարկված Կ. Պոլիս ներսևս վարժապետյուն պատրիարքին:

¹ Արժեքավոր պետք է համարել «Դործ» ամսաղրի 1917 թ. N 3-ում Սարուխանի «Առաջին ժողովրղական շարժումը հաճկական Հայաստանում» հողվածը և Մ. Գ. Ներսիսյանի «Հայ ժողովրղի ազատագրական պայքարը թուրքական բռնապետության դեմ» աղխատության «Պաշտպան Հայրենյաց»-ին նվիրված էջերը: Սրպես սղղրնաղրյուններ կարևոր են Մ. Օրմանյանի խիստ ժյատ տողերը և Հ. Նշկյանի ու Տ. Կերեղեղյանի հուշերը (վերջինը շտպաղրված), ինչպես նաև ժամանակի մամուլը:

Բացառիկ հետաքրքրություն են ներկայացնում Թուրքիայում ուսումնական ղեկավարության ներկայացուցիչների, առավելապես Կարինի ուսումնական ղեկավար հյուպատոս Ա. Դեննետի և Վանի ուսումնական փոխհյուպատոս Կ. Կամսարականի, Ռուսաստանի արտաքին քաղաքականության արխիվում (АВНР) պահպանվող զեկուցագրերը:

1877—1878 թթ. ռուս-թուրքական պատերազմից և նրան հաջորդած Սան-Ստեֆանոյի համաձայնությունից ու Բուլինի կոնգրեսից հետո հայ ժողովուրդը շուրջամշակի մի շրջան էր ապրում: Հորդայել էր պաշարի նրա կորույր և օգու լինում էր «Երկաթյա շերտի» զննոցով: Երբ բարենորոգումների գործադրությունը հապաղելու հետ միասին «...հարստահարիչ ցեղին կներվեր զինված» մնալ, և հարստահարյալ ցեղին զինվիր խստությունը կարգիլվեր, իրողությունաց բնական ընթացքով հարստահարյալները հորդորվեցան դադարապահ զինվելու, զինյալ հարստահարիչներուն ընդդիմանալու...»²

«Կեցցե Հայաստան» կր պողայինք ու «Մեր Հայրենիք թշվառ անտեր» կերգերինք, «Թող կործանի Թուրքիան» գոչելով:

«Ազատն աստված» կորուսայինք, բաժակներ քամելով նախանդյանի հիշատակին»³:

Այդ շունդայից օրերին Կարինի հայրենասիրական դադափարներով տոգորված երիտասարդության ջանքերով հիմնադրվեց «Բարձր Հայոց բնկերությունը»: Թուրքական իշխանությունները «Բարձր» բառի մեջ իրենց համար ինչ որ ստորացուցիչ երևույթ տեսան և կասկածեցին նրա քաղաքական բնույթի մասին. ուստի այն շուտով խափանվեց: Բիշ ավելի ուշ՝ 1881 թ. մայիսին⁴ երկրագործ խաչատուր Կերեքյանի ղեկավարությամբ հիմնադրվեց «Պաշտպան Հայրենյաց» հեղափոխական պաղտնի կազմակերպությունը, միշտ իր վրա կրելով «Երկրագործական բնկերություն» անմեղ անունը (սկզբում նախատեսվում էր կազմակերպությունը անվանել «Մասիս լեռների միություն», բայց հետո նպատակահարմար գտան այն կոչել «Պաշտպան Հայրենյաց»):

Աշխատանքների կուլեկտիվ ղեկավարությունը իրականացվում էր հինգ հոգուց կազմված (ըստ Հ. Նշկյանի՝ վեց) հեղափոխական խմբիչի («Գլխավոր խմբիչ»)՝⁵ միջոցով, առանց որևէ գրավոր կանոնադրության:

Կազմակերպության ծրագիր-միևիմուր եղել է հայ ժողովրդի ինքնապաշտպանության կազմակերպումը, որի մասին հետագայում, դատավարության ժամանակ, խոստովանում են նրա բանտարկված և թուրքական դատարանի առջև կանգնած անդամները, իսկ ծրագիր-մաքսիմումը՝ Հայաստանի անկախության (քաղաքականության) վերականգնումը, որը հասկանալի պատճառներով չեն խոստովանում նրանք:

1882 թ. նոյեմբերին կազմակերպությունը, որի անդամների ու համակրողների թիվը արդեն հազարների էր հասնում, պատահականորեն հայտնու-

2 Մ. Օրմանյան, Խոհ և խոսք, Երուսաղեմ, 1929, էջ 119:

3 Հ. Մ. Նշկյան, Առաջին կայծերը, 1930, էջ 112—113:

4 Մ. Օրմանյանի մոտ («Խոհ և խոսք», էջ 119) տրված է 1882 թ. առաջին կեսը, որով հավանաբար նա նշել է կազմակերպության մեջ իր մասնակցելու կամ այն իրեն հայտնի դառնալու ժամանակը:

5 Լեոն շփոթում է, ենթադրելով, որ «Պաշտպան Հայրենյաց»-ը սկզբում կոչվել է «Գերազանց խորհուրդ», մինչդեռ այդպես կոչվել է կազմակերպության ղեկավար օրգանը՝ ՏԷՍ՝ նրա «Թուրքահայ հեղափոխության դադափարարանությունը», հ. 1, էջ 139, Փարիզ, 1934:

լերվում է և հիմնականում ջախջախվում, թեպետ նրա գոյությունը իր գործունեության ղանդաղ ու խաթարված բնթացքով հաճախում է մինչև 90-ական լվականների սկզբները:

Հիշյալ ընկերության մասին եղել են հակասական, նույնիսկ անմասնորկող կարծիքներ, մանավանդ այն առնչությամբ, որ թուրքական իշխանությունները թխել էին մի հրեշավոր սուտ, օտարերկրյա դործակալների պատիր դալեր տեսնելով այդտեղ:

Ապա նրանք մեծագոյությ աղմուկով փութացին ներկայացնել այն որպես հայկական մի խոշոր ապստամբության սկիզբ, իսկ քիչ ուշ, վախենալով որ այդ ցնցող լուրը միջամտության նոր առիթ կտա Քրիստոնեաների պաշտպան» նվրդային, հեհհհ իջեցրին կազմակերպության և նրա դործունեության նշանակությունը մինչև քրեական ինչ որ զանցանքների աստիճան:

Որոշակի պատճառներով այն տարրեր ձեռքով է ներկայացվել նաև ժամանակի հայ մամուլի էջերում:

Իրականում այդ շարժումը համաժողովրդական բնույթ ուներ: Այն իր ճյուղավորումներով տարածվել էր ողջ Արևմտյան Հայաստանում և կապեր էր ստեղծել արևելահայության հետ, փորձելով հանդես գալ որպես արևմտահայ աշխատավորության սոցիալական ու քաղաքական շահագործման դեմ ուղղված ժողովրդական ընդլիզումների համահավաք կենտրոն:

Նրբ հայրենի հողի վրա ստեղծված այդ ազատագրական-հեղափոխական կազմակերպությունն ապրում էր դեռ իր զաղափարական ու դործնական աշխատանքների որոնումների շրջանը, ի. Կերեքյանը մեկնում է Վան և հանդիպում արևմտահայ ազատագրական շարժման ճանաչված ռահվիրայի՝ Մկրտիչ խրիմյանի հետ: Սխալ պետք է համարել հարցաքննությունների ժամանակ ձերբակալվածների, հատկապես ի. Կերեքյանի վկայությունները հիման վրա ստեղծված այն կարծիքը, թե խրիմյանն իբր առաջարկել է զաղաքեցնել «Պաշտպան Հայրենյաց»-ի դործունեությունը, հաշվի առնելով, որ հայերը փորթաթիվ են և այդ ամենը մեր ժողովրդի համար կունենա ողբերգական վախճան, նույնիսկ սպառնացել է՝ մատնել նրանց թուրքական իշխանություններին: Նա խրախուսում է և խորհուրդ տալիս լինել ավելի աշխուրջ ու երիտասարդական ավելորդ տարաբյունությամբ չփչացնել դժվարությամբ սկսած «սուրբ դործը»:

Վանից ի. Կերեքյանը, խրիմյանի խորհրդով, անցնում է Թբիլիսի, որտեղ հանդիպումներ է ունենում արևելահայ մի շարք դործիչների, այդ թվում հայ «նիհիլիստների» հետ:

Որոշվում է ապստամբության հարցը խորը և բազմակողմանի ուսումնասիրելու և կազմակերպության աշխատանքներն ավելի դործնական դարձնելու նպատակով Թբիլիսիի դործիչներից մեկին հղել Կարին: Այդ նպատակով էլ Կարին են գնում Բագրատ Նավասարդյանը և Արսեն Թոխմախյանը:

«Պաշտպան Հայրենյաց»-ի անդամների համար անդամատոմսեր (թերևս նոր համարակալված տոմսեր) ստեղծելու զաղափարը պատկանում է Բ. Նավասարդյանին, որը 1882 թ. ամռանը Նվրդայից անցնելով Թուրքիա, Կ. Պոլսում հանդիպում է Ն. Վարժապետյանին, ապա այցելում Կարին, Վան, կազմակերպության դործունեության հետ կապված տարբեր հարցերի շուրջը համաձայնության գալիս Մ. Օրմանյանի ու Մ. խրիմյանի հետ: Կարինում Նա-

վասարդյանը օգնում է «Պաշտպան Հայրենյաց»-ի կազմակերպական ամրապնդմանը:

Նույն շրջանում Բ. Նավասարդյանի հանձնարարությամբ Թբիլիսիյ Կ. Պոլիս էր մեկնել ու բարձր դիրքի հասել ռուս բժշկուհի Աննա Բովանովնա: Սորոկինա-Շչերբանինան, որը հետամուտ էր հայկական դատի հաջողությունը⁶:

Վավերագրերից մեկում⁷ խոսվում է կազմակերպության անդամության տոմսերից 2400-ը հաշատուրի բնակարանում տպագրելու և նրանցից 300-ը Վանի հեղափոխական խորհրդին ուղարկելու մասին: Այս խորհուրդը հավանաբար Վանում գործող «Սև հաշ» կազմակերպության գործադիր օրգանն էր, որի գործունեությունը հեղափոխական-ազատագրական որոշակի բնույթ ստացավ «Պաշտպան Հայրենյաց»-ի հետ կապվելուց և հատկապես 1882 թ. Կարի-նում կատարված ձերբակալություններից հետո⁸:

Նույն փաստաթղթում կարգում ենք, որ ձերբակալության ժամանակ Պալատ Տեր-Ղազարյանի մոտ գտած անդամատոմսը կրել է 4374 համարը⁹, իսկ Հարությունի մոտ եղած տոմսը վկայել է նրա հայկական ազատագրական բանակի ենթասպա լինելը: Հիշյալ N 4374 վկայականը ստորագրված է եղել «Պ. Հ.» Այն է «Պաշտպան Հայրենյաց»¹⁰:

Ինչպես իրավացիորեն գրում է Մ. Օրմանյանը, «...ընկերակիցներու արձանագրության տոմսեր բաշխելու ձևը գաղտնության պահանջին չէր հարմարեր, և ձախող հետևանք ալ ունեցավ»¹¹:

Ընկերության անդամների համար սահմանվել էր անդամավճար՝ տարեկան $\frac{1}{4}$ մեջիդի¹²:

Կազմակերպությունն ունեցել է դինագործական գաղտնի արհեստանոց Ավետիս Վեմյանի ղեկավարությամբ, որը բանտարկությունների նախօրյակին պատրաստվում էր մեկնել Զեյթուն, որպես կազմակերպության ներկայացուցիչ և մնալ այնտեղ, հավանաբար, Զեյթունում կենտրոնացված զինագործության ստեղծելու միտումով:

«Պաշտպան Հայրենյաց»-ի մեջ եղել են պրոֆեսիոնալ գործիչներ, որոնք վարձատրվել են ու թերևս գրավվել միայն ընկերության աշխատանքներով, իհարկե որևէ այլ գբադմունքով բողոքելով իրենց գաղտնի գործունեությունը: Կազմակերպությունը կառուցված է եղել տասնապետության սկզբունքով և նրա անդամներից ընդհանուր միմյանց ճանաչել, որը և հնարավորություն տվեց

6 ՀՍՍԻ ՊԿՊԱ, ֆ. 335, դ. 11, թերթ 46—48:

7 АВПР—Ф. Политархив, г. 1881/1884, д. 1625, л. 113—119.

8 Մ. Օրմանյան, Խոհ և խոսք, Երուսաղեմ, 1929, էջ 119:

9 Կարինի առաջնորդարանից Կ. Պոլիս ուղարկած Մեղադրական ակտի պատճենում N 4274 (տե՛ս ՀՍՍԻ ԳԱ Գրականության և արվեստի թանգարանի արխիվ, Թ. Ազատյանի ֆ., 12—11519):

10 Արեմտահայ արտաստություններ, հավանաբար «Պաշտպան»-ը «Պաշտպան» կարգալուծ, երբեմն առանձին դեպքերում հիշյալ փաստաթղթի տակ գրված «Պ. Հ.»-ի փոխարեն գրվում է «Բ. Հ.» (տե՛ս «Մշակ», 1883, N 78):

11 Դույն նույն պատճառով էլ Խոստատանի արտաքին բաղադրականության արխիվում եղած վավերագրում գրված է «В. Н.», որը, ենթադրում ենք, պետք է կարդալ որպես լատիներեն տառեր, այսինքն նույնը, ինչ որ «Մշակ»-ում «Բ. Հ.»:

12 Մեկ մեջիդին ռուսական աշն ժամանակվա դրամով հավասար էր 1 ռ. 60 կ.:

13 Այս կազմակերպությունը («Սև հաշ») հետագայում առաջին հանգիստացավ Վանում բողոքած «Արմենական» կուսակցության:

շատերին հետագայում խուսափել ձերբակալությունից: «Ձերբակալվածներ 72 հոգի են անդին շանցան, զի տասնապետական դրություն հետևողությամբ ընկերակիցների ծանոթությունը անձուկ շրջանակի մեջ կը պարփակվեր...»¹³:

Որոշվում է «Պաշտպան Հայրենյաց»-ի ղեկավարությունը տեղերում իրապորտելու նպատակով, Արևմտյան Հայաստանի բոլոր քաղաքներում ստեղծել հինգ հոգուց կազմված հեղափոխական խորհուրդներ, և այն մասնակիորեն իրագործվում է:

Կազմակերպության ղեկավարները մտադիր էին կապեր հաստատել նաև բուրգ ցեղապետների հետ, որը այդպես էլ նրանց շահողվեց: Այդ ուղղությամբ կազմակերպության ձեռնարկած նվազ ջանքերը վերջացան անհաջողությամբ:

Նախատեսվում էր 30 տարում շարժման մեջ ընդգրկել 300.000 մարդ, և նույնաբար որոշված էր հաջողության հասնելու համար պայքարել երկարատև ու համբերատար Թեպետ, ինչպես կարդում ենք նույն զեկուցագրում, կազմակերպության զխավոր խորհրդի հրահանգները կազմված էին հեղափոխական ոգով, և կոչ էր արվում ամենուր բարձրացնել ապստամբության դրոշմը:

Այս հանգամանքը վկայում է շարժման մեջ եղած «արմատական» և «չափավոր» թևերի գոյության մասին, որոնց միջև եղած հակասությունը հետագայում անխուսափելիորեն սրվեց, բաժանելով պայքարի նրանց միասնական ճանապարհը արևմտահայ ժողովրդի ազգային երկունքի այդ ալեկոծ ժամերին:

Նույն փաստաթղթում պահանջվել են կազմակերպության հետ կապված մի շարք, հիշատակության արժանի, կարևոր մանրամասնություններ: Հետաքրքիր են հատկապես ընկերության մեջ ընդունելության կազմակերպման մասին հատվածները:

«Ալեքսանդրը (Ալեքսան էթալիկյան—Ռ. Հ.),—կարդում ենք հիշյալ վավերագրում,—դիմում է ընկերության մեջ ընդունվողներին հետևյալ խոսքերով. ես դրանցում եմ Ձեզ ընկերության մեջ որպես զինվոր: Հարկ եղած ժամանակ Ձեզ կբաժանվի զինք և ամեն օր կստանաք մեկական մեջիդի: Մենք վերականգնենք (մեր—Ռ. Հ.) թագավորությունը: Բացի այդ նրա կողմից տարածվում էին հեղափոխական այլ մտքեր: Գալուստին նշանակված էր ամսական երեք լիրա¹⁴ վարձ, որից 9 լիրան Ալեքսանդրի կողմից նրան տրված էր նախօրոք, համագործակիցներից (ընկերության անդամներից—Ռ. Հ.) նախկին վկայականները հավաքելու և նրանց նոր, համարակալված վկայականներով փոխարինելու համար, որոնցից նա հասցրել էր բաժանել մոտ 80-ը¹⁵:

«Հովհաննեսը արձանագրել է նաև Շավարշի կողմից երգվեցրած ձիթողցի վարժապետ Գալուստի 10 անձերը, որոնց տներից վնասակար հայտարարություններ պարունակող թղթեր երևան ելած են»¹⁶:

¹³ Մ. Օրմանյան, Խոհ և խոսք, Երուսաղեմ, 1929, էջ 120:

¹⁴ Ձերբակալվածների թիվը այլ տեղում Օրմանյանը հասցնում է 76-ի:

¹⁵ Մեկ լիրան հավասար էր ռուսական 8 փոլյու:

¹⁶ АВПР, ф. 110, л. 113—119: Հաս. Հ. Նշկյանի այդ վկայականները հավաքվում էին ու ոչնչացվում ներսես պատրիարքի հրահանգով (տե՛ս նր. «Առաջին կայծեր»):

¹⁷ ՀԱՍՈՒ ԳԱ Գրականության և արվեստի թանգարանի արխիվ, Թ. Ազատյանի ֆոնդ, 12-րդ — 11519:

Հակոբը Սերոբին ընկերության մեջ ընդունելիս¹⁷ արտահայտվեց, — ես դրանցում եմ քեզ աշխարհագրում, կտամ քեզ զենք, դու կստանաս օրական մեկ մեջիդիե և կմասնակցես քաղաքից դուրս զինվորական ուսուցումներին:

— Մինասը (Մինաս էլպեկյան—Ռ. Հ.) 130 հավաքագրական վկայական է հանձնել հաշատուրին, որը հավաքագրել էր հինգ հոգի, նրանցից մեկին՝ Հաջի Հովհաննեսին հայտնելով, որ ինքը եղել է Թբիլիսիում, որտեղ նրա սիրելի է նիհիլիստների ցուցակում: Բացի դրանից նա ընդունել է նրանից ընկերությանը հավատարիմ լինելու երդում և բաժանելու համար հանձնել է հավաքագրական 100 [110?] վկայական: Սարգիս օզլին հավաքագրել է մի քանի մարդ որպես զինվոր...

Հայկական աշխարհագրի մեջ տարբեր ժամանակներում հավաքագրված մի շարք մարդկանց անուններից հետո, մեղադրական ակտում ասվում է. «Թաթոսը հայտնել է Ալեքսանին, որ իր կողմից զինվորներ են հավաքադրվում հայկական թագավորության առաջիկա կազմակերպման կապակցությամբ:—Վերջինիս տանը գտնվել են լիտոգրաֆիական քարեր, որոնք ծառայել են հեղափոխական թուղթիկներ տպագրելուն: Խուզարկության ժամանակ նրան թուղթիկներ գտնվել են նաև Թաթոսի մոտ: Դավադրության բացվելու հաջորդ օրը հեղափոխական կոչերով լի արկղը Տիգրանի¹⁸ օղլու տանից [այլ տեղում՝ Պողոս Թերզիբաշի տանից—որ ավելի հավանական է], տեղափոխված էր Մարութի¹⁹ բնակարանը, որը Միքայելի հետ միասին այրել է այնտեղ հղած թղթերը...»:

Հավաքագրական վկայականները վերնագրում ունեին հնում թագավորած Հայկազյան, Արշակունի, Բագրատունի, Ռուբինյան հայկական դինաստիաների զինանշանները:

Բուն երդմնագիրը տպագրված էր երկու խաչաձևված սրերի մեջ²⁰:

Տասնապետների վկայագրերի վրա հրացանավոր զինվորներ էին նկարված, իսկ նրանց առջև մի բերդ....

Այդ վկայագրերի վրա «...գրված է եղել ազգին համար արյամբ չափ աշխատել»²¹: Նախատեսվում էր ապստամբությունը սկսելիս թուրքական ոստիկանությանը խուճապի մատնելու նպատակով մի քանի ջոկատներ մարտի հանել ուսական զինվորական համազգեստով: Այդ մտահղացումը նրանց մեջ հավանաբար ստեղծվել էր 1876 թ. ապրիլին, բուլղարական ապստամբության ժամանակ Գեորգի Բենկովսկու ջոկատների նույնանման փորձի հաջողությունը:

Մ. Օրմանյանի նամակներից մեկում բերված է բանտարկյալների մի մասի ազատ արձակվելուց հետո առ 1883 թ. հունվարի 29-ը բանտում մնացած 65 մարդու լրիվ ցուցակը, թեպետ նույն թվի մարտի 5-ին նամակում նա գրում է, որ ինքը իբր ուղարկել է 76 հոգու ցուցակ: Ճանաչելիս հետ գործոցն սկզբին

¹⁷ Զեկուցագրի հեղինակը նշարավոր է, որ սխալված լինի—դուցի պետք է լինի Հակոբ Սերոբյանին ընդունելիս, կամ Հակոբ Քերոբեին ընդունելիս:

¹⁸ АВПР, ф. Политархив, г. 1881/1884, д. 1625, л. 113—119.

¹⁹ Տե՛ս նաև ՀՍՍՌ ԳԱ Գրականության և արվեստի թանգարանի արխիվ, Թ. Ազատյանի ֆ., 12-րդ—11519:

²⁰ ՀՍՍՌ ԳԱ Գրականության և արվեստի թանգարանի արխիվ, ֆ. Թ. Ազատյանի, 12-րդ—11507:

²¹ Խ. Կերեքյանի կրտսեր եղբայրը:

²² Առաջնորդարանի ծառայող (փոքրավոր):

լուր բանտարկելոց ցուցակը կը հղեմ ընդ ամենն 76-ին և սկզբեն և հետո թողվածները 23, իսկ մնացածներն են 53»²²։

Օրմանյանն ամենահավաստի աղբյուրն է, որ մեզ տալիս է բանտարկյալների քիչ թե շատ լրիվ և ճիշտ ցուցակը, նշելով նաև նրանց սոցիալական կազմը և հիմք տալով ասելու, որ կազմակերպության շարժիչ ուժը եղել է ֆալաֆի արհեստավորական դասը և շրջակա գյուղացիությունը։ «...Գրեթե բոլորը կամ բոլորովին կարոտ են կամ օրը աշխատող և օրը ուտող»²³։

Այս հանգամանքը չի բացարկում շարժման մեջ հասարակական այլ խավերի մասնակցությունը։ Իհարկե չէր սխալվում թուրքական դատարանը ենթադրելով, որ ղեկավար կորիզը մեծ մասամբ խուլյս տվեց ձերբակալություններից ու պատժից։

«Թուրքական դատական իշխանություններին հաջողվեց հայտնաբերել խնամքով պատրաստված հեղափոխական մեքենայի (механизм) մասնիկը միայն, մինչդեռ գլխավոր մեքենագետները մնացին մի կողմ, չբացահայտված», — զեկուցում էր Կարինի ռուսական գլխավոր հյուպատոսը Կ. Պոլսի իր դեսպանին²⁴։

Օրմանյանի նամակներից երևում են, որ ձերբակալվածների զգալի մասը էրիտասարդներ էին, անգամ պատանիներ։ Նրանցից ամենատարիքավորները Պալաս Տեր-Ղազարյանն ու Խաչատուր Կերեքցյանն էին ընդամենը 35—36 տարեկան։ Մանրամասը նկարագրված են ինկվիզիտորական այն գարշելի հարցաքննությունները, որոնց ենթարկվում էր իր տունը, պատիվն ու ընտանիքը պաշտպանելու, իր հայրենիքի ազատության համար զինվորագրված այդ երիտասարդությունը։

Շատ հետաքրքիր է նամակներից մեկում հայտնած տեղեկությունն այն մասին, որ Կարինի հույները մի փոքրիկ գումար են հավաքել և իրենց առաջնորդի միջոցով հանձնել Մ. Օրմանյանին՝ ձերբակալվածների ընտանիքների օգնելու նպատակով։ Այդ հույն ազգաբնակչության լուռ համերաշխությունն էր իրենց հայ բարեկամներին²⁵։

Որպես 1883 թ. ապրիլի 9-ի նամակի հավելված, 11 ու կես էջի վրա տրված է մեղադրական ակտի պատճենը հայատառ թուրքերենով²⁶։

Պետական մեղադրողի եզրակացությունն այն էր, որ մեղադրյալները հեղափոխական ճանապարհով ցանկացել են Թուրքիայից անջատել «Օսմանյան իրկների մի մասը, այսինքն էրզրումը և շրջակայքը»։

1883 թ. ապրիլի 7-ին սկսվում է դատավարությունը, որը արևմտահայերի առաջին քաղաքական դատն էր Թուրքիայում։ Այն տևում է մինչև հունիսի 1-ը։ Ձերբակալվածներից 40-ը դատապարտվում են տարբեր ժամանակների (5-ից 15 տարի) բանտարկության։

²² ՀՍՍՌ ԳԱ Գրականության և արվեստի թանգարանի արխիվ, Թ. Ազատյանի ֆոնդ, 12-րդ—11517։

²³ Նույն տեղում, 12-րդ—11512։ Տե՛ս նաև АВПР, ф. Политархив, г. 1881/1884, т. 1625, л. 83—85։

²⁴ АВПР, ф. Политархив, г. 1881/1884, д. 1625, л. 123—128

²⁵ ՀՍՍՌ ԳԱ Գրականության և արվեստի թանգարանի արխիվ, Թ. Ազատյանի ֆ., 12-րդ—11508։

²⁶ Այս նամակը ստորագրել են ազգային ժողովի ատենապետը, ատենադպիրը և առաջնորդական փոխանորդը (Օրմանյանն արդեն մեկնել էր Կ. Պոլիս)։

Մի այլ նամակում կարդում ենք, որ Կարինի կուսակալը ապօրինի կերպով հայ պաշտոնյաներին ամենուր փոխարինում է մահմեդականներով, քաղաքականություն, որն ուժեղացել էր Ենոյի կոնգրեսից հետո և լայն ծավալ ստացել հատկապես Հայկական կուսակալություններում:

Գրական թանգարանի արխիվի Բ. Նավասարդյանի ֆոնդում պահպանվում է «Պաշտպան Հայրենյաց»-ի ղեկավարներից մեկի՝ Կ. Նշկյանի 1913 թ. Ֆրեդնոյից Թիֆլիս՝ Բագրատ Նավասարդյանին դրած նամակը²⁷։ Փաստաթուղթը, որը կարևոր մանրամասնություններ է պարունակում այդ շարժման մի քանի չլուսաբանված խնդիրների և նրանց հետ կապված առանձին անհատների դիմադրների ճշտման առումով:

Հաստատվում է, որ իրոք «Պաշտպան Հայրենյաց»-ը կապված է ևղևի Թիֆլիսի հետ, հրահանգներ է ստացել այնտեղից, խրախուսվել է։ Այստեղից էլ երբեմն անհեռատես տղայամտությամբ անժամանակ հոխորտանքի են մղել կազմակերպության անդամներին։ Գեներալ Դիմիտրի Տեր-Ասատուրյանը նույնիսկ ռուսական բանակների կողմից զինված օգնության հույսեր էր ներշնչում Թիֆլիսից Կարին վերադարձող Կ. Նշկյանին²⁸։

Այս բոլոր փաստաթղթերն էլ արժեքավոր են ոչ միայն նշված կազմակերպության գործունեությունը, այլև արևմտահայության XIX դ. 80-ական թվականների սոցիալ-քաղաքական վիճակը լայնորեն լուսաբանելու դիտումով։ Ինչպես նաև ճիշտ ուղենշվելու հայ ազատագրական շարժումների վերելքի ու վայրէջքի այն ոլորապատկերներում, որ ապրեց «Երիտասարդ Հայաստան»-ի ատաղձը կազմող արևմտահայ հեղափոխությունն իր խանդավոր արշալույսին, իր «առավոտյան պահուն»:

Միանգամայն իրավացի է վերը նշված ղեկուցադրների հեղինակների այն պնդումները, որ «Պաշտպան Հայրենյաց»-ի ծայրուղիները վերափոխվում, երբեմն էլ սկզբնավորվում են Կ. Պոլսում²⁹, Թիֆլիսում, Պետերբուրգում, մենք եսսեինք նաև Վանում³⁰:

Հետաքրքիր է, որ այդ կապը ցարական շինովնիկները (այստեղ Դեննետոր) տեսնում էին առաջին հերթին Թիֆլիսի «նիհիլիստների» հետ, իսկ այդ ածականով նրանք հաճախ պիտակում էին ոչ միայն նարոդնիկներին ու դեմոկրատ-հեղափոխականներին, այլև լիբերալներին, առանց որոշակի տարանջատելու մեկը մյուսից:

1882 թ. դեկտեմբերի 27-ի թվակիր նամակում Կ. Կամսարականը գրում է Կ. Պոլիս, որ Վանում եղած զաղտնի կոմիտեները (ուրեմն նրանք եղել են) այլևս չեն գործում դրամ չլինելու և «խելացի ու փորձված հայերի» խորհրդով։ Անշուշտ ավելի հավանական է, որ այդ կոմիտեները կապվել էին «Պաշտպան Հայրենյաց»-ի հետ և անցել խորը ընդհատակ։ Եվ ինչպես վերևում տեսանք, ընկերության անդամատուներ էին ստացել Կարինից:

27 ՃՍՍԹ ԳԱ Գրականության և արվեստի թանգարանի արխիվ, Բ. Նավասարդյանի ֆոնդ 2-րդ—271:

28 Նույն տեղում:

29 Կ. Պոլսում այդ ուրիշն րանտ նետվեց «Մամուլ»-ի խմբադիր Գ. Ալվադյանը, որին մեղադրում էին «Պաշտպան Հայրենյացի» հետ կապեր ունենալու մեջ:

30 АВПР, ф. Политархив, г. 1881/1884, л. 1625, л. 83—85 и 133.

Հաղորդումներում շոշափվում են նաև խիստ կարևոր, բայց դժբախտաբար տակավին քիչ լուսարանված հայ-ասորական և հայ-քրդական միության ստեղծմանը վերաբերվող մի շարք նոր հարցեր:

1881 թ. փետրվարի 23-ին Կ. Պոլսի ուսական ղեսպան նովիկովին գրած ղեկույցում Կոնստանդին Կամսարականը հայտնում է, որ ասորիների առաջնորդները համակարծիք չլինելով իրենց Մարշիմոնի³¹ առաջարկին, թուրքական կառավարության դեմ խռովություն նախապատրաստող բուրդ Բաղդուլա³² շեյխին օգնելու մասին, Մարշիմոնին զահնկեց անելու սպառնալիքով պահանջել են միանալ ոչ թե շեյխին, այլ հայերին և անմիջապես գործնական լուսակցություններ սկսել վերջիններիս հետ, իրենց միացյալ ուժերի հետագա պործունեությունը ուղենշելու համար:

«...նեստորականները,—գրում է Կ. Կամսարականը,—առաջարկում են Վանի հայերին անհրաժեշտության դեպքում դուրս բերել մինչև 15 հազար կամավոր, հայերից պահանջելով միայն Հ. Մարտինի սխստեմի 1000 հրացան»³³:

Նույն ղեկույցագրում կարդում ենք, որ Վանի հայ երիտասարդությունը բոլոր հասարակական վայրերում հանդես է գալիս կառավարության դեմ ուղղված գինված ապստամբության բացահայտ կոչերով: Եվ եթե հայկական հարցը դրականորեն չլուծվի, այդ դեպքում հայերի կողմից ապստամբական շարժումները թուրքական կառավարության դեմ անխուսափելի են:

Հաղորդվում է նաև, որ Վանում թուրքական իշխանությունները գաղտնիորեն գինում են բոլոր մահմեդականներին, ինչ խոսք հայ ազգաբնակչության հետ հաշվեհարդար տեսնելու նպատակադրումով:

1881 թ. մարտի 7-ին Կարինից գրված մի ղեկույցագրում³⁴ կարդում ենք Վարդան Մամիկոնյանի և «Սայր Հայաստան» նկարների ոչնչացման, ամենուր ժողովների ու միտինգների բռնի, նույնիսկ գնեքի ուժով խափանման, հայկական դպրոցներում հայոց պատմության դասավանդման արգելման վերաբերյալ հրահանգավորումների և Բ. Դոան հայահալած քաղաքականության այլ դպրելի մանրամասնությունների մասին:

Մի այլ ղեկույց մեկ տեղեկացնում է, որ Մ. Սրմանյանը թուրքական իշխանությունների կողմից իրավացիորեն կասկածվում է որպես «Պաշտպան Հայրենյաց»-ի ղեկավարներից մեկը³⁵: Մ. Սրմանյանը շհրքելով «կանուխեն ավելի համարձակ գաղափարներու ծառայած ըլլալը», գրում է, որ Կարինի կուսակալը իրեն էլ էր ցանկանում խառնել այդ գործի մեջ. «թեպետ առաջնորդարանի փոքրավորը բանտարկելով և բրուտյան տունը լրտեսներով շրքապատելով ալ նշան մը չէր կրցած ձեռք անցանել»³⁶:

³¹ Ասորիների հողերը և քաղաքական առաջնորդը Վանի վիլայեթում և շրջակայքում:

³² Այլ տեղերում նաև Օրեյդուլա, Աքեյդուլա, Ուրեյդուլա, Օրեյդ-Ալլա:

³³ АВПР, ф. Посольство в Константинополе, г. 1881, д. 1567, л. 21—22.

³⁴ АВПР, ф. Политархив, г. 1881/1884, д. 1625, л. 2—3.

³⁵ Там же, лл. 83—85, 123—128.

³⁶ Մ. Սրմանյան, Խոհ և խոսք, Երուսաղեմ, 1929 թ., էջ 18 և 121: Ռուսական թերթերը նույնիսկ գրում էին, որ Սրմանյանի փախուստը կանխելու նպատակով թուրքական իշխանությունները թունավորել են նրա ձին (տե՛ս «Московский ведомости», 1983, № 7):

Այս ու սրան հաջորդած մի շարք հանդամանքներ և Օրմանյանի չափավորությունը, պատճառ դարձան, որպեսզի նա հետագայում, հաջկական շարժումների վերելքի շրջանում, վերապահ դիրք պրավի նրա նկատմամբ:

Սակայն անաշու լինելու համար պետք է դիտել, որ այդ միաժամանակ կապված էր այն պայմանների հետ, որում Օրմանյանն ստիպված եղավ գործել «Ազգին ամենին փոթորկալի վիճակին մեջ դիս պատրիարք կարգեցին», իրավացիորեն ասել էր նա Նրուխանի հետ ունեցած մի դրույցում³⁷: Անշուշաբանում ենք նաև Հ. Ճ. Սիրունս խորհուն դիտողությունը. «զհպրերուն հետ էր, որ փոխվեցան իր սրամադրություններն ալ: Ամեն մեկ հարվածի հետ, դու հայ ժողովուրդը կկրեր, իր ներսին ալ բան մը փլած էր: Խանդավառությունը ներսը մարեր էր տակավ, հետզհետե սկեպտիկ դարձեր... Օրմանյան հետո է սակայն հայ ժողովուրդը մեղավոր կարծելի այն շարժումներուն մեջ, որոս այն փորձեր է հանուն իր ապագային, և որոնք պատրվակ պիտի բլլային դահիճներուն համար իրենց նախճիրը արդարացնելու: Օրմանյանն մեղավոր չի գտներ հայ ժողովուրդը, ոչ այն պահուն, երբ կյանքի, ինչքի և պատվի ապահովություն կպահանջեր աշխարհին, ոչ ալ այն ատեն՝ երբ իր դիմումներուն մեջ հուսահատ, խաբված, պիտի մղվեր հուսահատական ճիգերուն»³⁸: Բայց Արևելյան Հայաստանում վանքապատկան հոգերը դրավելու առթիվ հայկական հույումների կապակցությամբ ունեցած խոհերում, հակասություններում ի այդ խոշոր գործիչը, պարփակվելով հոգևորականի իր հնացած սրեմի մեջ, հայտարարեց անգամ թե «Շարժումին բուն հիմքը և դիմադրության մղող իսկական դրզիոր հայության կրոնական զգացումն էր»³⁹:

Վերը հիշված հաղորդման մեջ Չետիկուխներ Կարինից հայտնում է, որ ինչպես ողբական զլխավոր հյուպատոսությունն, այնպես էլ մյուս երկրների ներկայացուցիչները ձեռնպահ են մնում հայերի մասսայական ձերբակալությունների նկատմամբ⁴⁰: Ինքնըստինքյան հերքելով ողբական թերթերում հրապարակված այն ստահոգ լուրը, թե իր «էրզրումի ողբական հյուպատոսը հայերին վերցրել է իր հովանավորության տակ», դրանով նա ձգտում էր ցույց տալ, որ Ռուսաստանը նրանց բարին է ցանկանում⁴¹: Սխալ պետք է համարել նաև «Մշակ»-ի Կարինի թղթակցի հաղորդումը, թե ողբական հյուպատոսը «երկու տեղացի ողբահայտակ բանտարկյալ հայերու ազատության համար ևս անտարբեր մնաց»⁴²:

Իրականում բանտարկված էր ողբահայտակ մի հայ՝ դինագործ Խորայեկ Հովհաննիսյանի (վավերագրում Օգանեզով) Կարապետ անունով 18-ամյա որդին (Օրմանյանի մոտ հավանաբար շփոթմամբ Կարապետ Խորայեկյան, նույնը և մամուլում), որի ձերբակալությունից ազատման համար Կարինի ողբական հյուպատոսությունը միջամտում է, բայց ոչ մի արդյունքի չի հասնում⁴³:

³⁷ Տե՛ս Գ. Հովհաննիսյան, Մաղարիա արք. Օրմանյան և կաթողիկոսական բնորություն, Խիֆլիդ, 1911, էջ 17—18:

³⁸ «Էջմիածին» ամսագիր, Գ, էջ 10 և և, էջ 55:

³⁹ Մ. Օրմանյան, Ազգայնություն, հ. 3, էջ 5169, նոտադեմ, 1927:

⁴⁰ АВІР, ф. Политархин, г. 1881/1884, л. 1625, л. 83—85.

⁴¹ «Московския ведомости», 1883, № 3 և այլ թերթեր:

⁴² «Մշակ», 1883, № 33:

⁴³ АВІР, ф. Политархин, г. 1881/1884, л. 1625, л. 83—88.

Պահպանվել են անգլիական դաշնակալության բացահայտ ներկայացուցիչների, ինչպես նաև նրանց քողարկված համագործակիցների՝ նույն անգլիական և առավել ամերիկյան միսիոներների նողկալի գործունեությունը մերկացնող բազմաթիվ փաստաթղթեր:

Օգտվելով հայ ընտանիքների տնտեսական վատ կացությունից, միսիոներները վճարում էին նրանց գինվորական տուրքերը, նետում այլ փշրանքներ և լայնորեն բացում իրենց մարդորսության ուռկանը կարիքից դեպի այն մըղվող բնակչության առջև: Խոչընդոտվում էր հայ ազատագրական շարժման ճանապարհը, անխուսափելիորեն ստեղծելով պայքարի մի նոր, լրացուցիչ թատերաբեմ: «Այդ կեղծ բարերարները,— գրել է Գ. Սրվանձտյանը,— ոչ հայուն հորեղբայրն էին և ոչ հայուն քեռին, այլ ավելի ճարպիկ որսորդներ ու մսագործներ, որ զմեզ, երևի վայրի, պատրաստ ոչխարներու, և պարարակ կովերու տեղ դնելով, մեր փարախեն կուգեն խրտեցնել, հեռացնել և իրենց ձեռքով ձգելով ի սպանդ մատուցանել...»⁴⁴:

Մեր պատմագիտական դրականության մեջ երբեմն յիսալ կամ թերի էլ լուսաբանված ոռոսական ցարիզմի քաղաքականությունը թուրքական բռնապետության դեմ ազատագրական պայքարի դրոշ պարզած ժողովուրդների, այդ թվում արևմտահայ ժողովրդի նկատմամբ:

Ցարիզմի քաղաքականությունը, ինչպես հայտնի է, կամ ներկայացվել է բացառապես հեռադիմական և նվաճողական, ուստի թշնամական մեր ժողովրդի նկատմամբ, կամ ավելի հաճախ, անվերապահորեն՝ դրական, քանի որ Ռուսաստանի հաջողության դեպքում Արևմտյան Հայաստանը կանցներ նրա տիրապետության տակ, իսկ այն, ինչ էլ որ լիներ, երիցս գերադասելի էր ու թեթև թուրքական ահեղ յաթաղանից:

Հանրահայտ է արևմտահայ աշխատավորության ոռոսական դիրքորոշումը և նրա ճշմարտացիությունը: Սակայն առնվազն մանկական միամտություն է ցարիզմի գաղութային քաղաքականության մեջ տեսնել շահագործվող ժողովուրդների ազատագրության միսիա, թեկուզ նույնիսկ այն առումով, որ «ժողովուրդների բանտ» համարվող ցարական Ռուսաստանը երբեք էլ չէր ցանկանա իր հարավային սահմանների վրա, որը ոտնակոխելով նա պետք է անցներ Եգիպտոս, Իրաք ու Հնդկաստան, ստեղծել «Նոր Բուլղարիա», «Նոր Լեհաստան» կա՞: նման մի այլ պատենշ:

Ելյդ տեսակետից հատկանշական է ոռոսական ցարիզմի պաշտոնական դործակալներից մեկի՝ վերը նշված Ս. Դեննետի խորհրդածությունները հայ ժողովրդի, նրա ապագայի և նրան ինքնավարություն տալու աննպատակահարմարության մասին:

«Հեշտությամբ կարելի է պատկերացնել,— գրում է նա,— հակասոցիալական (?) ձգտումների ինչպիսի մշտական օջախ, նիհիլիստական բանասերկությունների բուն և ոռոսական պետության նկատմամբ թշնամական դավերի վայր չէր դանդաղի դառնալ մեր Կովկասի հետ հարևան տերիտորիան, եթե այնտեղ այս կամ այն կերպ կազմակերպվեր ավտոնոմ Հայաստան»:

Ապա վախ հայտնելով, որ անգլիացիները կօգտվեն առիթից ավտոնոմ Հայաստանը օգտագործելու Ռուսաստանի դեմ, նա շարունակում է. «...դժվար կլինի մեզ պաշտպանել Կովկասի մեր հայ ազգաբնակչությանը այնտեղ»:

44 Գ. Սրվանձտյան, Թորոս աղբար, Կ. Պոլիս, 1884, մաս 2-րդ, էջ ԺԷ:

(Արևմտյան Հայաստանի—Ռ. Հ.) մեքենայությունների բացասական ազդեցությունից»:

Հետաքրքրականն այն է, որ այդ մեքենայությունները նա համարում է Արևմուտքում ուսած և իր կողմից աթեիզմի մեջ մեղադրվող հայ երիտասարդության միջոցով «ամեն կարգի սոցիալական թեորիաների», «սոցիալիստական զաղափարախոսության բոլոր կործանարար տարրերի» տարածումը «իրենց նորաստեղծ հայրենիքում»:

Քիչ հետո, մի շարք վիճելի դիտողությունների հետ միասին, հայ ժողովրդի հասցեին նետելով, հավանաբար Կովկասի փոխարքայի պալատից և թուրքական շուկաներից հապճեպորեն հավաքած ինչ-որ հերյուրանքներ, վերոհիշյալ զեկուցագրի հեղինակը կասկած է հայտնում, թե հայ ժողովուրդը բաղադրական անկախություն ստանալու դեպքում միջազգային հարաբերությունների մեջ որևէ օգտավետ դեր կատարի Ռուսաստանի համար⁴⁵: Դրանով իսկ խորհուրդ տալով, որ հայերին ինքնավարություն կամ անկախություն տալը աննպատակահարմար է:

Այս էր ցարական դիվանագիտության պատասխանը ձեռքը իրեն մեկնած արևմտահայ ժողովրդին: Պատասխան, որը քիչ ուշ Լոբանով-Ռոստովսկու բերանում դարձավ ահալի մի կոչ-զարհուրանք՝ «Հայաստան առանց հայերի»:

Եվ այն, ինչ ցարիզմը վախեցավ նույնիսկ մեղմորեն, առանց արցունքի կատարել, արյունով իրագործեցին թուրք դահիճները «հօգնությամբ գերմանական ասպետների»:

Ինչ վերաբերվում է «Պաշտպան Հայրենյաց» կազմակերպության անկմանը, ապա պետք է ասել, որ նա ապրեց միայն իր մանկության շրջանը ու դադարեց գոյություն ունենալուց պատանեկության շեմին, իր փայփայած դադափարների կենսագործման համար մղած պայքարի առաջին քայլերն առնելիս: Դադարեց, որովհետև նրա համար դեռ ճշտորոշված չէր անգամ ուղին, որով նա ցանկանում էր տանել մի ամբողջ ժողովուրդ:

Հավագույն իդեալի դադափարը առանձնահատուկ ուժով կերպարանավորվում է հատկապես տառապող մարդու, հարստահարվող ժողովրդի մտայնության մեջ, ուղենշելով նրան իր մեծագույն նպատակին հասնելու երբեմն ճիշտ, իսկ երբեմն էլ անագորույն մի ուղի:

«Պաշտպան Հայրենյաց»-ը խարխափեց այդ ճանապարհներին:

«...Մեր գործնեությունը թյուր ուղղություն են ունեցեր, ուստի տարօրինակ չէր, որ մի այդպիսի ցավալի հետևանքի պիտի հասնեինք... բայց մարմինն ու կենդանությունը առողջ է՝ օր մը ծնելու ակնկալությամբ... նպատակներս արդար է, ընդամին մեզ կմնա իմաստուն և զանազան միջոցներ հայթհայթել սուր նպատակին տիրելու համար...»⁴⁶:

Այսպես էին բարբառում «Պաշտպան Հայրենյաց»-ի ձերբակալությունից ազատ մնացած անդամները Թիֆլիսի իրենց բարեկամներին 1883 թ. մայիսի 14-ին:

⁴⁵ АВПР. ф. Политархив, г. 1881/1884, д. 1625, л. 123—128.

⁴⁶ «Հայրենիք» շաբաթաթերթ, 1905, 9/12, Բոստոն: